

Соколёнок

6/2015

ноябрь - декабрь



# Лачын



ДАГЪЫСТАН РЕСПУБЛИКАЙН КЪОНИ ВУЗЕЕ СА ЙАИХХЪЕ КЪЕККАН УШАХАРШЫН ЖУРНАЛ



ТАБРИК' ГЪАЪА!  
 Магьалмад Агьмадовун  
 60-ъасен сене объектеръесе.



Агьмадов Магьалмад Агьмадна дих – шааир, саклалаъай, критик ва публицист ворна. Манкъвее джун асарбы аварни ва урусни мизел ойклан.

Шеирбы гъала мактабее хъалда ххъалнкъа ойклангиргъыл. Цетда одкунийн шеирбы 70-ъасди сенбышее Гунибни «Тезен ишыгъ» донани районни клазетее, республикайни аварни мизел хыгъааини «Чаран байдах» донани клазетее, «Дружба» донани альманахее хыгъеечу.

Магьалмад Агьмадов хиледже

китаббышда автор вор: «Халмдийн мактуббы», «Цувулийна вахт», «Заманайна баллада», «Шеирбы», «Йыгъбы», «Шагъарын шеирбы», «Сенбы», «Шааир», «Шааирий хьалкъ», «Шааирий Ватан» ва медынбы.

Магьалмад Агьмадов 1984-ъасди сениле ССРИ-ни язычеершини Иттифакъна узувор. 2004-ъасди сенни январыл мана Дагъыстан Республикайни язычеершини Иттифакъна садры сечилмишхъа. Мана Дагъыстан Республикайна Халкъна шааир вор.

# ЦЕТДИЙН ЙЫЗ



Иляке, цетдийн йыз! Мед кыдим хъады  
Мыкбы, мыкгаал`бышка аххъы вод акка.  
Гыицайгларан накъыш ювааршыс ады,  
Матхъа аху магъаиллеехъа илякка.

Иляке, цетдийн йыз! Гыргын бадалхъа,  
Сааъа са джигеехъа чин ичий, гаде.  
Шак` клейдхъу джанеехъа, йикГ` вод къеъэхъа,  
Йидж хьинне маа гешцен са ушах воде?

Мичеедийс ман ийгвал`, гыим вухее бабат;  
Кыидмийл`ыб идяхва гьамбаше девран.  
Цетдийн йыз – Аллагъее гъаъан зарафат,  
Анджах аахва чиле шы вухъа гъаиран.

Зас языхуб гыни цетдийни йызна;  
Саакитда гегъеейыд, ийгвал` гыихыI мее.  
ЙикГ`е чин ярашыгъ гываджы вазна,  
Алгъайгъе зы кыидим ахырийлхъа мее.

*Урусни мизейле йыхъ-сумылхъа саакIал гъавъуна – Валегь Гьамзат*



# СУВАБЫ

Муса  
Фаррух  
Сувагылы

Шу къалигъы аркъын хьулерса джаван,  
Чишене сес дена аху, сувабы?  
Къарацан хьяннани былахыл` ооаб  
Дешуб дегье кьоодже ичеер, сувабы.

Нягъа джагвараба вуклул` йыз хьинне?  
Дерденне члаир хъыхъа са кагъыз хьинне?  
Къечу, хъеххъу оклбы, хъыхъа къурс хьинне,  
Дешуб ахубышее марал, сувабы.

Къыдидим хъады, мыклан йыгъбы алядхын,  
Уфтанни тлетгъышын тлетг-ттеле къядкын,  
Гыргынбы тарг гъавъу, хъигъеобчы абкын,  
Дешуб инсаныгъа вафаа, сувабы.

Къылина коксийл оо тлетгъы алеелес,  
Чалагбышее гихъас мед шитгъяршын сес,  
Гъаманке миллетис шу йикгел хъалес,  
Хъимехье шу джока амкъад, сувабы.

Фаррух Мусее эйгье, шу вод йизын джан,  
Гъин сурад, шен сурад воб йизда Ватан,  
Коксийл оо идяхвее заке са лышан,  
Йизди коксийл` ахвас дерден сувабы.



Сувал` гивий`ар мее, верыгъ хъа`абк`ын.  
Ил`яаке, нимеена чике эб абк`ын.  
Сик`ынна сувалхъа, сик`ынна хаа`хъа,  
Сик`ынна ч`ийелни, ок`алхъа к`лябк`ын.

Къувойхъар мыцбышее вардбы уфтанда;  
Манчыниб даныл` оо ч`а`ра`на к`уда.  
Булутбыд ч`а`ра`да, хаа`нче къада`хъван,  
Мич`лах хъихъесе чис хаахъа аа`с ыккан.

Нооца джад хайбышее шит`яр къалядк`у,  
Водааки гъа`шде мее джаа къу`ма` адк`у.  
Садджу ник`ее деш вод са чылхычапар,  
Сайыб къадаахъванан хурун ушахар.  
Хъабий фыкырее дехъе, ед`ярше саа`а,  
Къу`ма`ни тюлибыше джо гозет гъаа`а.



К`ынни Самирее увгъу  
Джук`ле дяц`анк`а` язы:  
«Сибыкын садбы, къо`дбы,  
Мактабее аляат`ас зы.

Ч`ак`ын бешбы аляат`ее,  
Йизда сумк`а` йык` хъивхъес.  
Манке китаб, дафтарыс  
Сумк`ее`аб джиге девхъес».

Мактабеехъа арк`ын мее,  
Одк`ун, хъа`дх`ый ха`дх`ыхъа.  
Къийматбы гъуджоо ыхъай,  
Манке джук`ле ац`ахъа.

Мысайи беш аляат`у,  
Вухъа сибыкба сумк`а.  
Мысайи сад аляат`у,  
Вухъа къайейле йык`ба`.

Чише к`ынни Самирее  
Гъакке аляат`у бешбы.  
Гъам сумк`а` сибык хъувхъа,  
Гъамыд адк`ын джун ишбы.



# МЯКТАБНА

Кампери  
Назирова

## ХАЛНЕ РАГЫЛ

Ахтыни Аллагъее гъар инсаныс са джура истеъдад гъувеейыд, гыргынкъуссе ман акъвалхъа хъыгъагъас аІхаІ деш. Анджах кІынни Рагъилиссе джуни заІгъмаІтыка сана, джуни ыІлимбышылхъани гъавасыка сана худ меени йикГее дигулхъайни, Аллагъее гъувуйни гъини шарбатыке дадмышхъес аІхыІна. Шы аІрзу гъаагъа воб ки, гъасре гъамбаше дарсбы аІгълаада хъаІдаІххъаІни Рагъилин, хылек` хъаъийни угъурбышке йикГшадда, акъваме аІхъаІнайка ихъеджын.

Дек`кинийедин, маІгъаІллимаршын, йишди гыргынкъун ман аІрзубы чийел идяхвасди мее, Рагъилее джуни хылеенче хъооІн, джуссе аІхаІн гъаа вод: манкъвее гъар илгъечІуйн дарсан материал къийхъийни йыгъыс аІгълаада гъаззир гъидяъы, дафтаркитабыке хыл` цыцІаагъа деш воб. Манчыхъа горад гъар рубни ахырее мактабее аІлгъааІни валидейнаршыни иджласбышее маІгъаІллимарше Рагъилни гъакГее гъамбаше садджу югун джуваббы эйгъе.

Зас авуд, мактабна къайсарна шаагирт, дарсна аІгълаачий Рагъил Расулна дих Айюбовни гъакГее ацІан карбы шолхъа гъихъарагъас ыккан.

Рагъил Расулна дих Айюбов 2003-гъэсди сен Закатала районни Сувагыл`ни хивее едике ыхъа. Манкъвее Сувагыл`ни хивеени А.Гадировни доюлни мактабни 5-гъэсди синифее хъаІдаІххъаІ. Рагъил джуни таІгълиментарбийейка сана мактабна халне воб. Мана синифна синифком, дарсна аІгълаачий вор. МаІгъаІллимаршыс Рагъил югда хъаІдаІххъаІва, тербийейкава геер ыккан. Рагъилис гыргын предметбы ыккананбы, анджах



манкъвее энке геоб таарыхылхъа, информатикайлхъа, ед`ни мизелхъа ва ингилисни мизейлхъа фыкыр гъооле. Манкъуни фыкырее мактаб таам гъаъийле хъийгъа юрист ыхъай вод, ва гъин предметбы манкъус джуни аІрзуйлхъа гъихъарасди мее геод лезимда вод.

Рагъилна дек` – Расул хиледже сенбына Закатала районее гедхъынийбы каІдхъаІгъаІна ишлемишхъа. Геоб лезимна ва дагъамна са пеше гъавъу ушахар чІакІы хъавъу. Ед – ГаІмаІр Сувагылни мактабее маІгъаІллим ишлемишеехъе. Гъини ааилее кьоІлле ушах чІакІы хъехъе вод. Рагъилна кІынна чодж – РаІшалае мактабни 2гъэсди синифее хъаІдаІххъаІ.

Агар йишди миллетин шас гъалаб Рагъил хъиннеен дихбы гъоолехъее, миллетни геледжагъылхъа йишын инам къат-къат гъеххахъен. ЧІанаада деш вод эйгъе ки, ушахар йишын геледжагъ водва. МаІбхуІни дихбыше геледжагъыл` миллетин, ешемишехъени торпагъын ду ахты хъаа.

Вас угъурбы аІрзу гъаа, Рагъил! Гъамбаше йаІхъ ачыхба вухъена!



Алдынраагьман  
Гуьлалсей



Са вахтал` ювел оо`ад  
Водунбыйнй хазалбы.  
КІатылда ювел оо`ад  
Водунбыйнй ярпахбы.

Х`ады меega гын цувыл`  
Ня`асна шу к`а`адкІу?  
Нук`нелх`а шу к`а`адкІу,  
Ак`вакІина шу кІядкІу.

Шени оІгійл`ын рангбы  
Ня`а шу агвал` г`а`ы?  
МыкІаал` х`етІуйн тІетІ` х`инне,  
Ня`а шу к`ыІбыІ х`еедх`а?

Г`аІшде шу г`ывага`а  
Бейнява кулякбышын.  
К`ыІбыІ х`еедх`а ярпаг`бы,  
ЙикІ`еe аху метляббы.



# Абдыраман Дадашев

## ВАЛИДЖАН

МАЪНИЙ

Халта сенбына ул` хъивхъу,  
Дилягбы ыхъа быкыр.  
Духе ымыррехъа гов гивхъу,  
Аллагъылхъана шукур.

Гъу йишын дин, гъам иман,  
Халдын вод валхъа инам.  
Вахъа къурбан гъаъа джан,  
Валиджан, дих Валиджан.

Алярту югра хыле,  
Шыбы шад воохъе вале.  
Хъады нур йишди улее,  
Гъааъа деш мебна фыкыр.

Батрайра халр хъихъена,  
Югна игит ихъена.  
Ымыр хошба вухъена,  
Дюн йейл шадра ийкар.








Сува олгее, сува янык`,  
Ул` гьибхьырий летти воб сува.  
Сувани коксее асманык`,  
АтИджкын илэззур хиваар.

Авуб шагьмар хьинне Самур,  
Адчу алгьааI ваIш долама.  
Чис джан гьеле гьооле ыIмыр,  
Аливку ааI аазыр гома.

Аххъы чIалагбы ёкъ сура,  
Йиваар хъадкIу хайбышеехъа,  
ОкIбы, тIетIбы гьар са джура,  
Этиран уфтан эва чихъа.

Къаджыр илвийкIар хава,  
Сюзмишехье, гьааъа девр.  
ЙыIкьаIл сува, янык` сува,  
АIрее дашмышувхъа ааI Самур.



# МЫССЫНИ СӨЮНА ХАБАР

Йыгъбышди са йыгъыл` сё на-  
чах гъаана. Гырғын члалагын  
гъайванар гъаар йыгъыс ман-  
чилхъа алджахвасадайлеыхъа.  
Манчише гъарынчише чиссе  
ахаин охъанасын карыдадайле  
ыхъа. Са йыгъыл` абыйынбы сё-  
юсхъа кыйие сайиб джанавар.  
Манчин сёюс зигарабы гъаан-  
бы сывайле. Эйген: «Ай йиш-  
да дост, гырғыни гъайванарше  
йыгъын хъидгынбы гъаа вод,  
гырғынчин кумагбыд гъаас  
ыккан вод, амма са сывалайс



гъу хъивкӀу воб вуккан». Сёюн эйгъен: «Фыкыр гымаъа, ай йизын достаар, зы мани сыӀваӀйлхъа гыле гыивхъарасда, манчина пай хъивлесда. Мааыхъайнигафбишкена хабар гывийхъарна сыӀваӀлайлхъа. Гыамани йыгъыл` джаб мана абайлена сёюсхъа. Манчин сёйикӀле эйгъен: «Ай йизда дост, зы васхъа лап оӀгийл` джаб аблесданий, амма зы мани йыгъбышее вас дарман тӀабал гыъа вухъа, манчихъа гора геджывхъана». Мани джуваббишиле сё шадывхъа эйгъен: « Гъу сагъба вухъена йизда дост. Бес гыуджо дарманне гъу зас тӀабал гыавъу?» СыӀваӀйн джаваб хъелен: «Ай йизда дост, вас дарман вухъесда са джанаварни, сайид кыӀйейни йикӀекеий кӀыл`кӀамыке, гъу манбы эхъал` гыатӀу, мичӀеед чакда манчин йикӀбы сайид кӀыл`кӀамбы отхъун ыккан, манчике дена вас чараа дешда». Сё лап шадоохъена мани гафыле. Эхъал` джад джанаварий кыӀйе мед чисхъа ады мега манбы гыатӀанбы, манчин йикӀбыйий кӀыл`кӀамбы темиз гыъы гийхъенбы мичӀеед охъанасва. ХаӀмде сё никӀеехъа абкӀын мее, сыӀваӀлай чоджий, явашба абы мадын йикӀбыйий кыӀл`кӀамбы одхъун авайкӀанна чини хаахъа. Гыргыни чӀалагни гыӀйванаршисыд хабарбы гыъанбы, наӀхуӀдее сёйин чисхъа адынкъаӀ джанарый кыӀйе обхъун. СыӀваӀлайн эйгъен: «Мани достарше сёйис дарман тӀабал гыъас чалышмишехъе ыхъа, амма мыссыни сёйин джанаварыб кыӀйеб гыатӀуйнбы ва сана санчис хабарбы ийкаранбы...». Мани йыгъыле хъийгъа гыргын чӀалагын гыӀйванар хъаӀдкыӀнийнбы сёйиле, дегъе саджаб манчис кар ана гыабкӀын деш. Сёйиб сабара вахта-ле мысынчихъа хъивкӀуна....

*Урусни мизеле йыхъ-сумылхъа  
саакӀал гыавъуна – Шафига Бабаева*



# Кыдмийни Мурад Саид Халмдйна дая-дая



Кыдмийн кьад гьаа тIуфан,  
Йызыке абчы ёргъан,  
Гьайванааршын гойбы ооъад.  
Къалийхье, йизда умуд,  
Йыгъын гыргын палтарыд  
Къалидхь вод дахылееъад.

Краватыл` оо юххъан,  
Юваарыд акьва гёдхъан  
Чолееъад алпалеедхъа.  
МаIччаIреерий цыкыйбы,  
Къаджыраарий кьыйебы  
Чалагееъад саакитеедхъа.

Гыргын шен игрушкабы,  
КъуIвалнан шен мишкабы  
Севканмышхъа пешпик авуд.  
КъалядкIу каньки, хизак.  
Гядхе улепбы, миджаг,  
Гьала ки, шамыхъа ца вод.

Явашда йыз иликIар,  
Чийел оо гьаа нукIар,  
Вазыл` оо вод халнебы хаI.  
Къалийхье гьу, тетI` бала,  
МыкIаал`ын хьидгьыр гьала  
СагьаIтыныд аIкьраIб деш ааI.

КъалядкIу бобр, сёбы,  
Балканар гаIмрее сады,  
Сана-санчыс гьеле нафас.  
Къалийхье, йизда маляк,  
Един уфтан чигаляк,  
АIрзу гьаа уюттун някI вас.

Хыл` кьидийшу рооц оокка,  
Халне хаалне иляака,  
Къулеле воб кьавшу перда.  
Дешуд аIа вазыкIле,  
Шаваана эгьес закIле  
Юххъан хьооIе шас зарада?

Аллагь аххъы йикIееъар,  
Къалийхье, йизын джигар.  
НикIее сееъа падаркIа, пай.  
Ед` гьамбаше вор вака,  
ЙикIеени аIрзубышка.  
Къалийхье, бала, дая-дая.



# ЖЫЛДИМ

Кыйдим хъады, йызын аххъы гъар сура.  
Сувабышда вукIул` хъувхъа джагвара.  
Йыз болда, мык йаIххъаI, быранбы аьы,  
Ушахаршед эле ман гозет гъаьы.

Къелбышыл` канкибы, хизакбы хыле,  
Нурын шоIъле гъуву, шадвал`ын улее.  
Йызыке алиъы джос Шахта баба,  
Тамашейлхъа сабы гыргына уба.

Едий дек` иляакы, гуянмишоохъе;  
НаIхуIбий йызыке джанавар воохъе.  
Гагъ суIваI, гагъыб сё йызыке гъавъу,  
Обзурва, ишике джо хыл` цIыцIдявъу.

КъаъадакIва хааIнче мыккын хаIнебы,  
БаIмбакий никнеке гъаьийн тенебы.  
Гумушелхъа сийкIал шагъарбы, хиваар.  
Кыйдимын кIыреехъа хъаIбаIххъаI хабар.

Гол`быйи дамабы аххъы мыкбыше.  
Чолбыше джагваран суфра гъеъэшце.  
Ушахаршыс чике деш кIыреехъана,  
Са гъехва, мансанкъвее аххъаххъа мана.

ЁлкIайни цIабыше гъагва ваIш ыIбраIт.  
Чика сана хошба джона гъар саIъаIт.  
Чик авуд авееке джос падаркIабы:  
Машынбы, кIукIлабы, дискIбы, лодкIабы.

КIыреехъа джад деш вод джос йыгъбы мыкIан.  
Йызыл` джарга гихыI, гъоокIа авайкIан.  
Са гъавуле хъалес джолхъа Тезе сен,  
AIрзубы быкырхъес йикI`ее джо эйгъен.

*Шеирбы урусни мизейле йыхъ-сумылхъа сакIал гъаьына – Валежь Гъамзат*



# Кыдым

Силейман  
Стальский

Гъуджоона гын, достар, мороз?  
Олка аххы хыле, кыдым.  
Мешуклеенче эгьекка йыз,  
Маттеобхъа воб вале, кыдым.

Чийе сакы вод баркӱлхъа,  
Мысийбатуб хъабы шалхъа,  
Хъигъеебчлессе юххъанийлхъа,  
Пис хъехъевуд гъале кыдым.

Авайцар шы, гивъур хаайыб,  
Хъинек` хъетле, хъивийгъар тӱб,  
Дюн`йе хъидгъыр худ вухъеейыб,  
Идьяйце вод чиле – кыдым.

Миллет хыле аху чини,  
Ацы вод мадаале гъини.  
Йидж къалидхъу джагварани,  
Хъайыл` мугул` гъеле – кыдым.

Ачмышаъа йоӱххайраб,  
Мыккык авуд йаӱхъбы хараб.  
Гозет гъаъа чике джуваб,  
Хъян вод аххы гӱале – кыдым.

Гиххы вод йыз сувабышыл`,  
Авгу дера, авгу вукул`.  
Йыз, вергъеке быркъ хъувхъа ул`,  
Нур идяхху улее, кыдым.

Хивынбышхъад вод са ман сес:  
«Мысана джад юххъан хъалес?  
Деш окӱан гардж чаврайс гъелес,  
Не вуӱхалнее, чолее, кыдым!»

Силейман, чӱаӱв гын кал`мабы,  
Гъеххада вод увгый манбы.  
Чишде къедже чин далыбы?  
Хъигъдечле аккале кыдым.

*Урусни мизейле йыхъ-сумылхъа саакӱал гъавъуна – Валегъ Гъамзат*



# ТАЛМАДЖЕБЫ

\*\*\*

Хайбышеехъа илхъече,  
Чике ялав хъигъооче.  
Сура хайбышее ийгвал,  
Чин сура авхъа гече.



\*\*\*

Чолбы хъыхъа мее хынак,  
Гъооле чин шас хайпбал няк.  
Чина къатых обхъун мее,  
Гъадаиле шас июттун няк.

\*\*\*

Йидж хайбышда ул,  
Хъивийха чил т'юл.  
Хаас ишыгъ гъеле,  
Манчын ду вод ...



\*\*\*

Алхыгы мее чин ваче,  
Ушарше илѳодже.  
Шоварни хыле воохъе,  
Хылийн быт'нана ...



\*\*\*

Мысайи верыгъ хъибхы,  
Эгъес зака йидж ибхы.  
Зы няхъа аддым авгъее,  
Захъаб хыгъна йидж гибхы.





Ширванов МагъаИммаИд АИбдулмаджидна дих Дагъыстан республикаИни инсане вуджее джар вудж къорамышаъани федерацияейна президент ворна. Дагъыстан республикаИни гъарни джурайлни каратейни федерацияейна иш джигайлхъа гъивхъарааъана директор ворна. Манкъвее увгъийн: «Зы сайии къоИбле деш насыл идманчеершына гъаззир гъавъу. Гъар сен захъа йыцIынчыле халIбаI республикаИни ярышбышее гъамеобхъайнбы, Россияен чемпионар, гъамыб къайда гозет гъидяъы алдабхынийбышын дюн`ейн чемпионар воохъе. Анджах шы, джигъилершин аIкIелика тербийе вухъай, гыргынчиле оохъа аххъаххъа ва мани ишее шахъа халдын угъурбы вод.







Шацыйни сен Уфа ша-  
гъарее зы Кавказни тор-  
пагъыл` энке югна тренер  
гъыІсаб гъаы. 21-23 сен-  
тябрыл` Анапа шагъарее  
Дагъыстанни кІамандайн  
гьргыни       Российейни  
къайда дена алдаахъван-  
ни 22 идманчийни аІрее

15 къизилен медал алыатІу.  
Шы «Прайд» ва идманни  
ма-ктабее ушахар гъаззир  
гъааъа.       Тренераршыни  
штабее МаІгъаІчкъалайн,  
Избербашын, Хасав-  
юртын, Кизилюртын, Буй-  
наксын, Дербентин трене-  
рар воб. Шас Дагъыстанни  
гъоІкуматын кумаг ыккан.  
Шаснее ушахарше, джава-  
нарше идманее джон им-  
канбы гъехха хъаъа. Йи-  
шын чемпионар хъийгъа  
Дагъыстанни джураба-  
джур девлет къорамыша-  
ъани тешкилатбышее иш-  
лемишоохъе.



*СаІгъийфа гъаззир гъавъуна –  
Амина Даганова*



# Ребусы



+ АЛАГЪ

ГАА +




КИА +



+ АКІЙ ТІАТІАА

С +




+ СИЙ



+ А



# Кроссворд



## ООГЪАНЧЕ АВХЪА:

1. Къыл, къыдим шака воохъена, мыхакни рангал`на шитГ.

2. АфрикАйл, Гындистаныл воохъена, хортумнана, хаБа гьАйван.

3. Осбы хъаханкъаА, чике джурахъен тика.

4. Никнеке гъаъан, члурчлуман кар.

5. Ад денебынана мейва.

## СОЛУЛЕ САГЪЫЛХЪА:

1. Каллее ээхъен кар.

2. Кал`лее аКел дешда инсан

3. Хаани чардахыл акваа гъаъана, йылххъылни рангал`на, клынна шитГ.

4. Ип, кандир аливку мее, ээхъен кар.

5. Даварын ичАлат.

6. Йидж дена машин айкАн деш.

7. Хаанв хаАрна.

## САГЪЫЛЕ СОЛУЛХЪА:

1. КьоАвале хаБна, хъадийн хъичаххъвана гьАйван.

## АВГЪАНЧЕ ООХЪА:

1. Чолуна гогарчын.

2. Колбышее воохъена лап клынна, мыхакни рангал`на шитГ.



**Соколёнок**

**Лачын**

6/2015

**ноябрь-декабрь**

Иллюстрированный детский журнал.  
Издается один раз в два месяца.

Учредитель :  
Правительство Республики Дагестан.

Журнал зарегистрирован федеральной  
службой по надзору в сфере связи и  
массовых коммуникаций.  
Регистр.номер ПИН№ТУ5-0027 от 21 мая  
2009 г.

Издается с января 2009 г.

Главный редактор  
Мурад Ахмедов

Редколлегия:  
Т. Зургалова (отв. секретарь)  
В. Гамзаев (редактор)  
Ш. Бабаева  
А. Исмаилов (зам. гл. редактора)  
Н. Исаев  
Ш. Дабузов  
А. Дадашев  
Х. Назирова  
Аб. Омаров  
К. Омаханов

Худ. редактор З. Даганов  
Тех.редактор Т. Лузина  
Художник номера М. Муталибов  
Оформление обложки А. Качаев

Дата выхода в свет 29.12.2015г.  
Тираж 309 экз.  
Заказ № 170

Типография: ООО «Издательство «Феникс  
пресс».

Адрес типографии: 367018, РД,  
г. Махачкала ул. Петра 1, 61

Редакция и издатель: Государственное  
бюджетное учреждение Республики  
Дагестан «Редакция республиканских  
литературных журналов «Соколенок» и  
«Литературный Дагестан»

Адрес редакции и издателя: 367025,  
РД, г. Махачкала, ул. Даниялова, 55.

Цахурский язык.

Индекс: на год - 78438,  
на полугодие - 73888.

Цена свободная